

Na osnovu zaključka Predstavničkog doma Parlamenta Federacije BiH broj: 01-14-610/14-1 od 22.05.2014. godine, Odluke Upravnog odbora o usvajanju Rebalansa finansijskog plana Fonda za zaštitu okoliša Federacije Bosne i Hercegovine za 2014. godinu broj: UO-2-2-4/2014, te Odluke Vlade Federacije BiH o davanju saglasnosti na Rebalans finansijskog plana Fonda za zaštitu okoliša Federacije Bosne i Hercegovine za 2014. godinu („Službene novine FBiH“ broj: 59/14), a u skladu sa članom 13. Statuta Fonda („Službene novine FBiH”, broj: 33/06), Upravni odbor Fonda za zaštitu okoliša Federacije BiH, na svojoj 4. sjednici održanoj dana 30.10.2014. godine, donosi sljedeću:

ODLUKU

poništenju dijela Javnog poziva Fonda za zaštitu okoliša Federacije BiH za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu

I.

Javni poziv Fonda za zaštitu okoliša Federacije BiH za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu, poništava se u dijelu pod:

I. Predmet Javnog poziva:

LOT.2. Projekti i studije u cilju ispunjavanja ciljeva Strategije zaštite okoliša FBiH i

LOT.3. Projekti u oblasti zaštite zraka i energetske efikasnosti

LOT 4.2. Jačanje javne svijesti o važnosti odvojenog prikupljanja i odlaganja otpada, te zaštiti okoliša.

II.

Preostali dio Javnog poziva ostaje neizmijenjen.

III.

Ova Odluka stupa na snagu danom donošenja, a ista će se objaviti u Službenim novinama FBiH i na web stranici Fonda za zaštitu okoliša Federacije BiH.

Predsjednik Upravnog odbora
Jasenko Muharemagić

Broj: UO-4-4-3b/2014.

Sarajevo, 30.10.2014. godine

O b r a z l o ž e n j e

Fond za zaštitu okoliša Federacije BiH raspisao je Javni poziv za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša za 2014. godinu koji je objavljen u „Službene novine FBiH“, broj: 23/14, dnevnim listovima „Dnevni avaz“ i Večernji list“ dana 26.03.2014.godine i web stranici Fonda.

U skladu sa zaključkom Predstavničkog doma Parlamenta Federacije BiH broj: 01-14-610/14-1 od 22.05.2014.godine u kome je navedeno da se pod hitno s obzirom na novonastalu situaciju i ukazane potrebe za hitnim djelovanjem u cilju saniranja šteta nastalih prirodnim nepogodama na prostorima BiH stave u proceduru izmjene „Programa utroška sredstava za 2014.godinu“, te donešenim Zakonom o finansiranju potpore za otklanjanje posljedica prirodnih nepogoda i obnovu područja zahvaćenim prirodnim nepogodama („Službene novine FBiH“, broj: 59/14), Fond za zaštitu okoliša Federacije BiH izvršio je preusmjeravanje svih raspoloživih sredstava kroz Rebalans finansijskog plana Fonda za zaštitu okoliša Federacije BiH koji je usvojen Odlukom Upravnog odbora o usvajanju Rebalansa finansijskog plana Fonda za zaštitu okoliša Federacije Bosne i Hercegovine za 2014. godinu broj: UO-2-2-4/2014, te Odlukom Vlade Federacije BiH o davanju saglasnosti na Rebalans finansijskog plana Fonda za zaštitu okoliša Federacije Bosne i Hercegovine za 2014. godinu („Službene novine FBiH“ broj: 59/14).

Na osnovu naprijed navedenog, odlučeno je kao u dispozitivu ove Odluke.